

SASTANAK U OPĆINI JAJCE

24.07.2024 12:12



Sastanak predstavnika Federalne uprave za geodetske i imovinsko-pravne poslove, Kantonalne uprave za geodetske i imovinsko-pravne poslove i općine Jajce je održan u prostorijama općine 23.7.2024. godine. Na sastanku su učestvovali direktor Federalne uprave gosp. Željko Obradović, pomoćnik direktora gosp. Sead Hadžić, direktor Kantonalne uprave gosp. Stipica Oreč, te načelnik općine gosp. Edin Hozan sa saradnicima.

Učesnici sastanka su razgovarali o trenutnom statusu procesa izlaganja podataka premjera u općini Jajce. U okviru projekta „Registracija nekretnina“ obnovljeni su i opremljeni općinski uredi službe za katastar i pripremljena privremena baza podataka premjera i katastarskog klasiranja čime su se stekli i tehnički

uslovi za procese izlaganja podataka premjera na javni uvid. Trenutno se izlaganje podataka premjera provodi u tri katastarske općine (Jajce II, Podmilačje i Divčani), a dogovoreno je da se između Federalne uprave, općine Jajce i Kantonalne uprave potpiše Sporazum o sufinansiranju poslova izlaganja za tri dodatne katastarske općine (Rika, Lupnica i Brvanci).

Samim potpisivanjem sporazuma započet će se sa procedurama javne nabavke kako bi do kraja godine započeo i proces izlaganja, a postignuto je maksimalno slaganje o potrebi zajedničke saradnje kako bi se stanje sistema zemljišne administracije u općini Jajce poboljšalo u interesu građana općine Jajce.